

ხ ე ლ შ ე კ რ უ ლ ე ბ ა

სახელმწიფო შესყიდვის შესახებ

ადგ.რ. ზედ. № 1-10

თბილისი

03.12.2010წ.

საქართველოს რეგიონული განვითარებისა და ინფრასტრუქტურის სამინისტროს სახელმწიფო საკვეუწეობო დაწესებულება საქართველოს საავტომობილო გზების დეპარტამენტი, მისი თავმჯდომარის მოადგილის გიორგი წერეთლის სახით, შემდგომში – შემსყიდველი, ერთი მხრივ და ფიზიკური პირის სერგო ლებანიძის პირ. № 010 060 201 06 სახით, შემდგომში – მიმწოდებელი, მეორე მხრივ, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტის და საქართველოს მთავრობის 2010 წლის 9 ნოემბრის №1424 საფუძველზე, ვდებთ ამ ხელშეკრულებას შემდეგზე:

მუხლი 1. ხელშეკრულების საგანი

1.1. ამ ხელშეკრულების საგანს წარმოადგენს მიმწოდებლის მიერ დარიალის ხეობაში (ზემო ღარსი) სამონასტრო კომპლექსის მშენებლობისათვის ზოგიერთი სახის სამშენებლო სამუშაოებზე სახელმწიფო მომსახურების განხორციელება – შემდგომში მომსახურება.

მუხლი 2. ღირებულება და ანგარიშსწორების წესი

2.1. მომსახურების მთლიანი და ჯამური ღირებულება, საქართველოს კანონმდებლობით გათვალისწინებული გადასახადის ჩათვლით, შეადგენს 1 280.00 (ერთი ათას ორასოთხმოცი ლარი) ლარს.

2.2. მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე. უნაღლო ანგარიშსწორების ფორმით.

2.3. შემსყიდველი ანგარიშსწორებას ახორციელებს მიმწოდებლის მიერ ფაქტიურად გაწეული მომსახურების მიღება-ჩაბარების აქტის წარდგენიდან 15 დღის განმავლობაში. მიმწოდებელი უფლებამოსილია შემსყიდველს მოთხოვოს მიღება-ჩაბარების აქტი მხოლოდ ამ ხელშეკრულების მე-4 მუხლში აღნიშნული მიღება-ჩაბარების აქტის გაფორმების შემდგომ.

2.4. სახელმწიფო ბიუჯეტთან ანგარიშსწორებაზე ვაღდებულება ევალება შემსყიდველს.

მუხლი 3. გასაწევი მომსახურების შესაბამისობა


3.1. მიმწოდებლის მიერ ამ ხელშეკრულების თანახმად გასაწევი მომსახურება უნდა შეესაბამებოდეს ტექნიკური დავალებით გათვალისწინებულ პირობებს, რომელიც ამ ნაწილში, წინამდებარე ხელშეკრულების მიხედვით განმარტებულია მისი განუყოფელი ნაწილი ხდება.

3.2. 3.1. პუნქტში აღნიშნული პირობებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 4. მომსახურების მიღება-ჩაბარების წესი

4.1. შემსყიდველი მომსახურების მიღებას აწარმოებს მიმწოდებლის მიერ ფაქტიურად გაწეული მომსახურების მიხედვით.

შემსყიდველი



მიმწოდებელი



4.2. მიმწოდებლის მიერ გაწეული მომსახურება მიღებულად ჩაითვლება მხოლოდ მიღება-ჩაბარების აქტის გაფორმების შემდეგ.

4.3. ამ ხელშეკრულების ძალით გაწეული მომსახურების შემოწმებას და მიღება-ჩაბარებას ახორციელებს შემსყიდველი ორგანიზაციის შესაბამისი სტრუქტურული ერთეული – საავტომობილო გზების რეაბილიტაციისა და პერიოდული შეკეთების სამუშაოების ორგანიზაციისა და მონიტორინგის სამმართველო.

მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

ა) მომსახურების გაწევის პროცესში იხელმძღვანელოს ამ ხელშეკრულების 3.1. პუნქტში გათვალისწინებული წესებითა და პირობებით;

ბ) საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;

გ) მომსახურების გასაწევად მიმწოდებელი უფლებამოსილია მოიწვიოს ქვეკონტრაქტორები, მხოლოდ შემსყიდველის წერილობითი თანხმობის მიღების შემდეგ;

დ) ანგარიშსწორებისას ყოველთვის უნდა მიუთითოს ფაქტიურად გაწეული მომსახურების მთლიანი და ჯამური ღირებულება;

ე) ხელშეკრულებით გათვალისწინებული მომსახურება განახორციელოს 03.12.10წ.-25.12.10წ. ვადებში;

5.2. შემსყიდველი ვალდებულია:

ა) აწარმოოს ინსპექტირება საამისოდ შერჩეულ პირთან ერთად სამუშაოს მიმდინარეობაზე, თანახმად მოქმედი სამშენებლო ნორმების და წესებისა, რომელთა დარღვევის შემთხვევაში იგი უფლებამოსილია შეანეროს სამუშაოები.

ბ) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად.

მუხლი 6. ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულებების შესრულებაში.

შემსყიდველი



მიმწოდებელი



მუხლი 7. პასუხისმგებლობა

7.1. ხელშეკრულების ნებისმიერი პირობის შეუსრულებლობის და/ან არაჯეროვნად შესრულებისათვის, დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების მთლიანი ღირებულების 0.5% არაუგვიანეს 14 საბანკო დღეში და უზრუნველყოს დარღვეული უფლების დაუყოვნებლივ გამოსწორება.

მუხლი 8. ინსპექტირება

8.1. წინამდებარე ხელშეკრულებით გათვალისწინებული პირობების შესრულების ინსპექტირებას ახდენს შემსყიდველი ორგანიზაციის შესაბამისი სტრუქტურული ერთეული – სააქტომობილო გზების რეაბილიტაციისა და პერიოდული შეკეთების სამუშაოების ორგანიზაციისა და მონიტორინგის სამმართველო.

8.2. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს მომსახურების ხარისხის ინსპექტირება.

მუხლი 9. სხვა პირობები

9.1. ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2010 წლის 31 დეკემბრამდე.

9.2. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);

ბ) მიმწოდებლის მიმართ მიმდინარეობს გაკოტრების საქმე (მიუხედავად მისი დაწყების დროისა);

გ) მიმწოდებლის ქონებას დაედო ყადაღა;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

9.3. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

9.4. იმ შემთხვევაში, თუ მომსახურების გაწევის დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია მომსახურების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

9.5. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

შემსყიდველი



მიმწოდებელი



9.6. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული შეთანხმების წარმოშობიდან 30 დღის განმავლობაში, დაეა გადაწყდეს სასამართლოს მეშვეობით საქართველოს კანონმდებლობის შესაბამისად.

მუხლი 10. მხარეთა რეკვიზიტები და ხელმოწერები

შემსყიდველი:

საქართველოს რეგიონული განვითარებისა და ინფრასტრუქტურის სამინისტრო, საქართველოს საავტომობილო გზების დეპარტამენტი, მის. საქართველო, თბილისი, აღ. ყაზბეგის გამზირი №12, სახელმწიფო ხაზინა, ანგარიშის № 200 122 900, კოდი 220 101 222.



გიორგი წერეთელი

მიმწოდებელი:

ფიზიკური პირი სერგო ლებანიძე პირ. № 010 060 201 06, მის. ქ. თბილისი, დიდშის მასივი, 2 კვ. კორპ. 10, ბინა 11, ს.ს. „ლიბერთი ბანკი“-ს დიდუბის ფილიალი, ბანკის კოდი 220 101 488, ანგარიშის ნომერი 181 404 804 506 00 45.

ხელმოწერა
ბ.ა.

სერგო ლებანიძე



საქართველოს მთავრობის

განკარგულება

№1424 2010 წლის 9 ნოემბერი ქ. თბილისი

დარიალის ხეობაში (ზემო ლარსი) სამონასტრო კომ-
პლექსის მშენებლობასთან დაკავშირებით
ზოგიერთი ღონისძიების შესახებ

1. დარიალის ხეობაში (ზემო ლარსი) სამონასტრო კომ-
პლექსის მშენებლობასთან დაკავშირებით ზოგიერთი ღონის-
ძიების განხორციელების მიზნით საქართველოს რეგიონული
განვითარებისა და ინფრასტრუქტურის სამინისტროს სახელ-
მწიფო საქმეუწყებო დაწესებულებამ – საქართველოს სააგტო-
მოპილო გზების დეპარტამენტმა:

ა) 2010 წელს უზრუნველყოს დარიალის ხეობაში (ზემო
ლარსი) სამონასტრო კომპლექსის მშენებლობისათვის ზოგიერ-
თი სახის სამშენებლო სამუშაოების განხორციელება;

ბ) სამუშაოების დროულად დაწყების მიზნით პარალელურ
რეჟიმში ჩაატაროს საპროექტო, საზედამხედველო და სამშე-
ნებლო სამუშაოების შესყიდვა;

გ) ამ პუნქტის „ა“ და „ბ“ ქვეპუნქტებით გათვალისწინებუ-
ლი სამუშაოების შეზღუდულ ვადებში შეუფერხებლად გატარე-

ბის მიზნით სამუშაოების შესყიდვა განხორციელოს ერთ პირ-
თან მოღვაწეობის საშუალებით, „სახელმწიფო შესყიდვების
შესახებ“ საქართველოს კანონის მე-10 მუხლის მე-3 პუნქტის
„ე“ ქვეპუნქტის შესაბამისად.

2. ამ განკარგულების პირველი პუნქტით გათვალისწინე-
ბული სამუშაოების დაფინანსების მიზნით „საქართველოს 2010
წლის სახელმწიფო ბიუჯეტის შესახებ“ საქართველოს კანონის
მე-17 მუხლის მე-2 პუნქტით გათვალისწინებული საქართველოს
რეგიონებში განსახორციელებელი პროექტების ფონდიდან სა-
ქართველოს ფინანსთა სამინისტრომ საქართველოს რეგიონუ-
ლი განვითარებისა და ინფრასტრუქტურის სამინისტროს სა-
ხელმწიფო საქმეუწყებო დაწესებულებას – საქართველოს სააგ-
ტომოპილო გზების დეპარტამენტს გამოუყოს 150 000 (ას ორ-
მოცდაათი ათასი) ლარი.

პრემიერ-მინისტრი

ნიკა გილაური

7285
15 11 10
4646 12 11 10



საქართველოს მთავრობის განკარგულება

№1761 2010 წლის 28 დეკემბერი ქ. თბილისი

„ღარიბების ხეობაში (ზემო ლარსი) სამონასტრო
კომპლექსის მშენებლობასთან დაკავშირებით ზოგიერთი
ღონისძიების შესახებ“ საქართველოს მთავრობის
2010 წლის 9 ნოემბრის №1424 განკარგულებაში
ცვლილებასა და დამატების შეტანის თაობაზე

საქართველოს ზოგადი ადმინისტრაციული კოდექსის 63-ე
მუხლის შესაბამისად „ღარიბების ხეობაში (ზემო ლარსი) სამო-
ნასტრო კომპლექსის მშენებლობასთან დაკავშირებით ზოგიერთი
ღონისძიების შესახებ“ საქართველოს მთავრობის 2010 წლის 9
ნოემბრის №1424 განკარგულებაში შეტანილ იქნეს შემდეგი
ცვლილება და დამატება:


1. პირველი პუნქტის „ა“ ქვეპუნქტი ჩამოყალიბდეს შემდე-
გი რედაქციით:

„ა) 2010-2011 წლებში უზრუნველყოს ღარიბების ხეობაში
(ზემო ლარსი) სამონასტრო კომპლექსის მშენებლობისათვის ზო-
გერთი სახის სამშენებლო სამუშაოების განხორციელება“.

2. განკარგულებას დაემატოს შემდეგი შინაარსის მე-3
პუნქტი:

„3. 2011 წელს განსახორციელებელი სამუშაოები დაფინან-
სდეს „საქართველოს 2011 წლის სახელმწიფო ბიუჯეტის შესა-
ხებ“ საქართველოს კანონით საქართველოს საგარეო ურთი-
მის დეპარტამენტისათვის „გზების პერიოდული შეკეთების და
რეაბილიტაციისათვის“ (ორგანიზაციული კოდი – 25 04 01 02 01)
განსაზღვრული ასიგნებებიდან“.

პრემიერ-მინისტრი


ნიკა გიულაური

თბილისი

29.12.2010წ.

საქართველოს რეგიონული განვითარებისა და ინფრასტრუქტურის სამინისტროს სახელმწიფო საქვეუწყებო დაწესებულება – საქართველოს საავტომობილო გზების დეპარტამენტი, მისი თავმჯდომარის პირველი მოადგილის ნუგზარ გასვიანის და თავმჯდომარის მოადგილის გიორგი წერეთელის სახით, შემდგომში შემსყიდველი, ერთი მხრივ და ფიზიკური პირი სერგო ლებანიძის (პირ.№010 060 201 06) სახით, შემდგომში მიმწოდებელი, მეორე მხრივ, შემსყიდველი ორგანიზაციის შესაბამისი სტრუქტურული ერთეულის – საავტომობილო გზების რეაბილიტაციისა და პერიოდული შეკეთების სამუშაოთა ორგანიზაციისა და მონიტორინგის სამმართველოს 2010 წლის 15 დეკემბრის №5780 მოხსენებითი ბარათის, მასზე თანდართული დოკუმენტაციის, საქართველოს მთავრობის 2010 წლის 9 ნოემბრის №1424 და 2010 წლის 28 დეკემბრის №1761 განკარგულებებისა და ხელშეკრულების მე-9 მუხლის 9.5 პუნქტის საფუძველზე, ვთანხმდებით შემდეგზე:

1. შევიდეს ცვლილება, დარიალის ხეობაში (ზემო ლარსი) სამონასტრო კომპლექსის მშენებლობისათვის ზოგიერთი სახის სამშენებლო სამუშაოებისათვის საზედამხედველო მომსახურების შესყიდვაზე, მხარეთა შორის 2010 წლის 3 დეკემბერს გაფორმებულ სახელმწიფო შესყიდვის შესახებ ადგ.რ.ზედ. №1-10 ხელშეკრულების მე-5 მუხლის 5.1 პუნქტის „ე“ ქვეპუნქტში და იგი ჩამოყალიბდეს შემდეგი რედაქციით:

„ზ) ხელშეკრულებით გათვალისწინებული მომსახურება განახორციელოს 03.12.2010წ.-31.04.2011 პერიოდის განმავლობაში;“

2. წინამდებარე დანართის პირველი პუნქტის გათვალისწინებით შევიდეს ცვლილება ზემოაღნიშნული ხელშეკრულების მე-9 მუხლის 9.1 პუნქტში და იგი ჩამოყალიბდეს შემდეგი რედაქციით:

3. „ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2011 წლის 31 მაისამდე.“

4. აღნიშნული ცვლილება იგულისხმება ხელშეკრულების ყველა იმ ნაწილში, სადაც მითითებულია ხელშეკრულების მოქმედების ვადები

5. კონტრაქტორი ვალდებულია წინამდებარე დანართზე ხელმოწერიდან უმოკლეს დროში წარმოადგინოს ხელშეკრულების შესრულების განახლებული საბანკო გარანტია, რომელიც ძალაში იქნება 2011 წლის 31 მაისამდე.

6. დანართი შეთანხმება ძალაში შედის მხარეთა მიერ მისი ხელმოწერისთანავე და მოქმედებს მხარეთა მიერ ნაკისრი ვალდებულებების სრულად შესრულებამდე.

7. წინამდებარე დანართი შეთანხმება წარმოადგენს პირველ პუნქტში აღნიშნული ხელშეკრულების განუყოფელ ნაწილს და შედგენილია ქართულ ენაზე თანაბარი იურიდიული ძალის მქონე ორ ეგზემპლარად.

შემსყიდველი

დეპარტამენტის

თავმჯდომარის პირველი მოადგილე

ნუგზარ გასვიანი

თავმჯდომარის მოადგილე

გიორგი წერეთელი

მიმწოდებელი

ფიზიკური პირი

სერგო ლებანიძე

